

NY FAMBORAHANA TSIAMBARATELO

Ny famborahana manontolo na amin'ny ampahany ny tsiambaratelon' ny fampandehanana asa sy ny fanadihadian'ny BIANCO. Azo henjehina avokoa na ny mpiasan'ny Bianco, na ireo mpiasa teo aloha na koa ireo olon-tsotra izay manao izany famborahana tsiambaratelo izany



IRO FANDIKAN-DALÀNA KOLIKOLY

Araka ny Lalàna 2016-020
tamin' ny 22 aogositra 2016
momba ny ady amin' ny Kolikoly

Villa "La Piscine" Ambohibao
ANTANANARIVO—BP 399

Tél: 22 489 79 E-mail: bianco.dg@moov.mg

Web: bianco-mg.org

FANODIKONDINANA VOLA SY FANANAM-PANJAKANA

Fanodikodinana, fandravàna, fanariana na fanesorana fananam-panjakana izay ataon'ireo tompondraiki-panjakana voatendry na voafidy misahana mivantana ny raharaha mikasika ny teti-bola sy ny fikirakirana volam-panjakana



Ny sakatsakana amin'ny fanadihadiana ataon'ny BIANCO

Ireo fandavana sy sakatsakana ataon'ny fahefam-panadihadian'ny Tale Jeneralin'ny BIANCO araky ny lalàna na ny fanaovana sy fampiasana hosoka amin'ny taratasy ampiarahina amin'ny atontan-taratasin'ady.



Ny amin'ny fanararaotana ny fanànan'orinasa tsy miankina

Ireo mpitantana sy mpiasa anivon'ny orinasa tsy miankina rehetra izay mampiasa ankaratsim-panahy ny fanànan'ny orinasa ho amin'ny antony mifanohitra tanteraka amin'ny tombotsoan'izany orinasa izany



FANODINKODINANA FAMPIASANA NY FANANAM-PANJAKANA

Fanodinana na fanovana ny fampiasana ny fananam-panjakana izay napetraka ampiasain'ny olom-panjakana voafidy na voatendry iray



FANODIKONDINANA VOLAM-PANJAKANA AMIN'NY ALALAN'NY FAMPIASANA TARATASY HOSOKA

Fanaovana hosoka mikasika ny fanoratana sora-bola amin'ny tetibola na fampiasana sonia hosoka ataon'ny tomponandraiki-panjakana voatendry na voafidy misahana mivantana ny raharaha momba ny teti-bola sy fikirakirana volam-panjakana



Ny famoahana tsiambaratelo mombamomba ny vavolombelona tsy mitonona anarana

Famoahana ny mombamomba na adiresin'ireo vavolombelona misitraka ny fepetra fiarovana ny vavolombelona tsy mitonona anarana izay voalazan'ny lalàna



Ireo valibontana na antsojay atao amin'ny vavolombelona mpitory, mpiasam-panjakana miandraikitra ny fampiharana ny lalàna amin'ny ady amin'ny kolikoly

Fanaovana valibontana na antsonjay na teritery amin'ireo olona nijoro ho vavolombelona, na mpitory trangana kolikoly, na ireo manampahaizana manokana na mpiasam-panjakana miandraikitra ny fampiharana ny lalàna amin'ny ady amin'ny kolikoly



FANOMEZANA ALALANA ATAON'NY TOMPON'ANDRAIKITRA TSY MANANA ZO SY FAHEFANA HANAO IZANY

Fanodikodina, fandravàna, fanariana na fanesorana fanàna na volam-panjakana izay ataon'ireo tomponandraikim-panjakana tsy manana zo sy fahefana hanao izany mivantana



FANODIKODINANA FANANAM-PANJAKANA ATAON'NY MPITANDRO FILAMINANA

Fanodikodinana na fakàna vola, kojakoja, fitaovam-piadiana, bala, entana na fananam-panjakana samihafa ataon'ny miaramila na mpitandro ny filaminana



FANAOVANA FITOROHANA TSY MITOMBINA

Fanaovana fitorohana amin'ny tranga izay tsy nisy na tranga izay efa fantatra mazava fa tsy endrika fandikan-dalàna kolikoly na koa tranga efa fantatra mazava fa tsy ilay tondroina no nanao izany



TSY FANAOVANA FANAMBARAM-PANANANA

Tsy fanaovan'ireo tompandraiki-panjakana voatendry na voafidy, izay voatondron'ny lalàna hanao izany, aorian'ny roa volana nandefasan'ny BIANCO fampahatsiahivana ny fanambaram-pananana izay tokony hataony na fanaovana fanambaràna tsy feno na diso



FANODINKODINANA FANANAN'OLON-TSOTRA

Fampihenana, fanodinkodinana, fanimbana na fanafoanana ao anatin'ny seha-pihariana ara-toekarena, ara-bola na ara-barotra, ny fanànana, ny vola na ny sanda ho an'ny olon-tsotra na sanda ho an'ny orin'asa iray ao amin'ny sehatr'asa tsy miankina amin'ny fanjakana



FAKAM-BOLA TSY ARA DALANA

Fitakiana na fandraisan'ny tompondraikim-panjakana sy mpitam-bolam-panjakana vola ho sarany, na hetra, na tamby-karama, izay fantany fa tsy tokony haloa na mihoatra ny tokony haloa



FITOMBOAN-KARENA MIHOAPAPANA TSY VOAZAVA

Tsy fahafahan'ny mpiasam-panjakana na tompondraiki-panjakana voatendry na voafidy, manamarina amin'ny fomba ara-dalàna ny fitomboana mihoampampana ny fananany raha oharina amin'ny fidiram-bolany. Iharan'ny lalàna ihany koa ny mpitantana na mpitazona na koa izay olona manana andraikitra amin'izany fananana tsy ara-dalàna izany.



FANOMEZANA TSY ARA-DALANA

Ny faneken'ny mpiasam-panjakana na tomonandraikim-panjakana voatendry na voafidy fanomezana tombotsoa tsy tokony ho azony ka mety nampisy na hampisy fiantraikany amin'ny fanapahan-kevitra mifandraika amin'ny asany



FANAFAHANA SY FAMELAN-KETRA TSY ARA-DALANA

Fanomezan'ny olona nametrahana fahefam-panjakana fanafahana sy famelàna tsy ara-dalàna handoa vola ho sarany, na hetra na habam-panjakana, na famoahana maimaim-poana ny vokatra avy amin'ny antokon-draharaham-panjakana.



FAKAM-BOLA TSY ARA DALANA ATAON'NY MPIRAKIDRAHARAHAN ' NY FITSARANA

Fitakiana na fandraisan'ny mpiraki-draharaha vola ho sarany, na hetra, na tamby-karama, izay fantany fa tsy tokony haloa, na mihoatra ny tokony haloa.




Fifanolanan'ny tombontsoa manokana amin'ny asa sahanina

Ny tsy fisitahana amin'ny fikarakarana asam-panjakana misy fifanolanan'ny tombontsoa manokana amin'ny asa sy ny tsy fanambaran'ny mpiasam-panjakana na tompon'andraiki-panjakana voatendry na voafidy mialoha, amin'ny ambaratongam-pahefana misy azy, ny fisian'ny fifanolanana mahakasika ny tombontsoa manokana izay mifanitsaka amin'ny tombontsoan'ny daholobe ka mety hisy fiantraikany amin'ny fanatanterahana ny asany



Fanararaotana fisahanana asa noho ny tsy famerenana fitaovam-panjakana

Fanararaotana ataon'ny mpiasa na tomonandraikim-panjakana voatendry na voafidy efa nitsahatra na natsahatra tamin'ny andraikiny na ny asany fa mbola mitahiry ireo fitaovana nankinina taminy noho izay andraikiny izay




FAKANA TOMBONTSOA TSY VOAMARINA

Fitehirizana na fakàn' ny mpiasam-panjakana na tomonandraikim-panjakana voatendry na voafidy, tombontsoa manokana ao amin'ny orin'asa iandraiketany na niandraiketany asa fanaraha-maso, na fitantanana, na famaranan-trosa ara-pitsarana ao anatin'ny roa taona nitsaharany tamin'izany asany izany



FANAOVANA ASA VOARARA

Fisahanan'ny mpiasam-panjakana, tompon'andraiki-panjakana, andraikitra eo anivon'ny orin'asa tsy miankina iray, izay hanaovany asa fisafoana na fanaraha-maso mivantana, ao anatin'ny filalan-tsasatran'ny na ao anatin'ny telo taona nitsaharany tamin'izany asa fisafoana na fanaraha-maso izany



Fanararaotana amin'ny fisahanan'asa noho ny tsy fampiharana ny fepetra momba ny ady amin'ny kolikoly

Fanararaotana ataon'ny mpiasa na tomponandraikim-panjakana izay voatendry hampihatra ireo fepetra voalazan'ny lalàna amam-pitsipika entina miady amin'ny kolikoly isan-tsehatra ka tsy manatanteraka izany



FANARARAOTANA AMIN'NY FISAHANANA ASA

Fanararaotana ataon'ny mpiasa, tomponandraikim-panjakana voatendry na voafidy, araka ny asa sahaniny na ny toerana misy azy, hanaovana asa mifanohitra amin'ny lalàna amampitsipika mba hahazoan'ny tenany na olon-kafa, na vondrona, tombotsoa tsy tokony ho azo



FANOMEZANA TOMBONDAHINY TSY ARA DALANA

Fanomezana na fikasana hanome tombotsoa tsy voamarina na mifanohitra amin'ny lalàna sy ny fitsipika miaro ny fitovian-jo amin'ny fifaninanana eo amin'ny tsenan'asam-panjakana, ny famindrana ny fitantanana ny raharaham-panjakana, amin'ny fidirana eo amin'ny sehatry ny asam-panjakana ary eo amin'ny fanjifana ny asa eny anivon'ny sampan-draharaham-panjakana rehetra



VAROTRA TSY MIFANARAKA AMIN'NY ASA SY ANDRAIKITRA

Fanaovan'ireo tomponandraikitra mifehy ny herim-panjakana sivily na miaramila asam-barotra anatin'ny faritra iadidiana, toy ny entana ilain'ny olona amin'ny andavanandro, na divay na zava-pisotro, ankoatr' ireo izay avy amin'ny fananany manokana



FANARARAOTANA FAHAFANTARANA OLONA

Fangatahana na fampanantenana tombotsoa ataon'ny olona iray manararotra ny toerana tazoniny eo amin'ny fiaraha-morina mba ahazoany tombotsoa manokana amin'ny alalan'ny fampiasana izany toerany izany hanindrina sy hanangolena manam-pahefana na tomponandraikim-panjakana iray



Kolikoly ataon'ny mpitantana, tompona petra-bola, mpiasa anivon'ny orinasa tsy miankina amin'ny fanjakana sy ireo olona manao asa mahaleo-tena

Fangatahana na fandraisana na fankatoavana fampantenana tolotra na fanomezana tombotsoa tsy ara-dalàna ataon'ny mpitantana, tompona petra-bola, mpiasa anivon'ny orin'asa tsy miankina amin'ny fanjakana sy ireo olona manao asa mahaleo-tena mba hanatontosana na tsia asa mifandrify amin'ny andraikitra sahaniny



KOLIKOLY MANDRAY

Fitakiana na fangatahana na fankatoavana fanomezana na tombotsoa tsy ara-dalàna ataon'ny mpiasa na tomponandraikim-panjakana voatendry na voafidy mba hanatontosana na tsia asa mifandrify amin'ny andraikitra sahaniny



KOLIKOLY MANOME

Fanomezana na fampanantenana tolotra na tombotsoa tsy ara-dalàna ataon'ny olona amin'ny tomponandraiki-panjakana voatendry na voafidy mba hanatontosan'ity farany na tsia asa mifanandrify amin'ny andraikitra sahaniny

SERVICE DES
DOMAINES

TSIA AN !!
TSY HANDRAY AN'INY AHO !...
...VOARARAN'NY LALÀNA ANIE
IZANY ZAVATRA ANGATAHANAO
IZANY MADAMA E !!



Asken

Kolikoly manome atao amin'ny tompon'andraiki-panjakana vahiny na mpiasa anivon'ny fikambanana iraisam-pirenena

Fanomezana na fampanantenana tolotra na tombotsoa tsy ara-dalàna ataon'ny olona amin'ny tompon'andraiki-panjakana miasa ho an'ny firenena vahiny na mpiasa anivon'ny fikambanana iraisam-pirenena mba hanatontosan'ireto farany na tsia ny asa izay tokony hataony amin'ny andraikiny ofisialy, mba hahazoana tombotsoa manokana

EUH.....!!
DIA AHOANA
AMIN'IZAY IZANY
ILAY "VISA"
....??!

TONGAVA
FOTSINY ENY
AMIN'NY BIRAO
RAHAMPITSO E
...!!



Asken